

續修陝西省通志稿

第四十四冊

卷七十八至七十九

續修陝西通志稿卷七十八

人物五

列傳五

楊樞字伯一潼關廳

縣今改

人廩生自少讀書即重養志嘗謂弟楫

曰爲學不成即非肖子由是顛顛苦劬之而事親主色養孺慕之
忱形諸楮墨著有過庭草瞻屺吟以見志暨父卒哀痛號泣遇奠
獻即以所行事泣述主前如生時出告反面一縷孝思三年不絕
卒以哀毀實生焉子瑞鱣字德輝歲貢生延川訓導以母老到官
數月即歸養時母年九十有一飲食疴癢必親扶搔而尉薦之累
月日無勸兄四人事之沒齒無間言郡守李松村私謚曰孝靖與
父樞均以子鸞官贈文林郎

楊鸞字子安號迂谷乾隆乙未進士鸞胚胎前光目濡耳染不離

經史通志卷之十一
典訓經史百氏靡不涉樊而尤嗜諷詠在京與諸名流相酬唱錢塘袁枚稱曰秦中後起詩人也歷四川犍爲湖南長沙邵陽等縣政平毗悅內外斬斬暇則以翰墨自娛而訓士一本詩禮解組歸主豐登張掖堯山諸書院講席得其衣鉢即成名士而衣食嘗不給冷突塵甑家四壁立吟咏終不輟嘗有句云冷竈作烟惟典物閒門無客自吟詩蓋紀實也著有邈雲草

楊維謙字吉六潼關廳人庠生性耽載籍嫻吟詠兒時作五七言短章往往驚人世父鸞見而喜曰吾家衣鉢在此子矣經史子集靡不洞究鈔纂諸書如西音存略九經撫遺歷朝詩腋四書紀傳凡百餘部著有學古吟聊存嶽游草鮫珠集撫餘稿

楊訥字用默號春洲潼關廳人已酉選拔歷署四川黔江銅梁梁山等縣所至民悅所去民思丁艱起復調江西星子災荒洊臻訥

設法拯卹嘯枯蘇瘠民用大和署太和增萃和書院獎賞風教露
養文風頗起江西舊有溺女惡俗詔立育嬰局貧家女藉以收養
頽風以革解組歸著有南遊草春洲小草草堂吟

張澧中字蘭沚潼關廳人祖起麟乾隆乙未進士由廣東增城知
縣遷主事父許官浙江蘭谿知縣澧中中嘉慶己卯進士授刑部
主事歷充提牢廳總辦秋審處律例館提調洊升郎中執法明允
諸大臣奉命讞大獄於奉天黑龍江山東江南皆以澧中從尋遷
直隸大順廣兵備道兄晰中貽書令約屬縣輕賦均徭以繼家聲
復書云直民不苦於賦而病於差敢不以民心爲心時大名多奉
無生教者澧中督役擣其巢得名冊悉焚之獲免株累者無算尋
權按察使轉福建按察使擢直隸布政使未任調山西布政使旋
署巡撫尋授雲南巡撫土匪刁承緒暗糾夷匪掠南甸一帶旋剿

平之入爲刑部右侍郎典順天鄉試道光丁未河南飢上頒庫帑百萬命澧中偕兵部尙書文慶往賑至則飭造戶口細冊復調藩庫砵碼抽查賑銀各州縣按旬具報錢價以備考核由是戶口無冒濫銀錢無剋減胥吏無影射民食實惠視昔爲多而動用帑銀較前轉少並將辦賑浮冒之考城知縣畢元善及短絀錢數造冊舛錯各員分別參辦上嘉其能授山東巡撫乃奏言檢查庫簿近年徵解日形短絀未完交代百四十餘案交代不清虧空不出庫欸卽無著惟有澈底清釐務使前弊畢露妥籌良策以資彌補附陳追賠章程十二條均下部分別議行先是東省多盜捕務久弛澧中履任查明鎮道等官失察案件分別劾議並督率文武設法捕拏先後計獲擒幅各匪七百餘名置之法又言東省地廣民稠風俗強悍鮮有蓋藏一遇荒歉曹屬之擒匪沂屬之掖匪幅匪武

青之梟匪聚衆裹脅蔓禍滋鉅匪多起於曹沂而兗濟受害尤劇
地方官於事主報案輾轉稽延匪徒遂愈形恣肆惟官不以盜爲
事民始敢與盜相通刼案日多職此之由見在會同三鎮督飭司
道文武員弁不分畛域窮究夥黨按名緝捕並將爲賊銷贓接濟
盜糧之奸民一體究拏以清盜源而安良懦疏入上嘉勉之其他
飭戎政澄官方裁鹽筴諸善政甚多不備書尋以病卒詔以侍郎
例賜卹賜祭葬著有叙秋吟稿

張樹莢字聽菴澧中季子幼慧稍長好屬文喜豪俠習技擊善騎
射嘗欲奮然立功名而性特剛直雖公卿不屈也以是叢忌亦以
是見稱於人咸豐乙卯舉於鄉世父翰中以知府殉難黔中時黔
楚徧地皆賊樹莢在京聞計單騎由間道輾轉數千里出沒賊中
屢瀕於危卒扶櫬歸葬鄉邦壯之左宗棠之剿賊閩浙也聞其名

調至幕上馬殺賊下馬草檄戎機曉暢贊畫多中窾會宗棠深倚重之同治五年賊陷建陽樹莢自延平馳至大挫之賊還走崇安又尾躡破賊於嵐角功俱最及宗棠督師入關襄贊戎幄績效愈著以功擢鞏秦階道然剛正不阿遇事不可行雖在督師前亦斷斷不少讓故宗棠終始愛重之及之鞏秦階任道出西安適親串某官陝藩多所贈遺樹莢指示坐客曰此舍親見餽中國之官官此耳爲之一笑嘗展親濟南出都門裘馬甚都群盜利其有迹之行數日程至山峽盜漸迫樹莢覺之仰視天半雁群飛出銃殪之一發墜其二群盜驚駭鳥獸散光緒丁丑秦大飢工部侍郎閻敬銘奏調樹莢督購賑糧至周家口三閱月以勞疾卒於家贈太僕寺卿蔭一子入監

石和鈞字平卿潼關廳人父琳同治五年以六品軍功從副將哈

連升殉敷水之難母張茹苦完貞光緒庚子歲大飢同知焦雲龍
委和鈞勘災和鈞苦心調查飢氓畢沾實惠發粟時置綠水一盂
內擲制錢一枚令領賑者均先取錢染綠指以防復冒人服其智
而始終不一支薪獎五品頂戴又襄辦學務先後設小學十餘區
籌基金五六十任勞任怨靡辭況瘁以候銓縣丞終

高履坦字子平潼關廳人父玉林讀書授讀介介自守鄉里重之
履坦亦業硯田農時隨父耕作暇則教授里閭而性特狷潔遇惡
人望望去之人亦自不樂與近也光緒丁丑歲大飢父子鬪草根
煮食之又不繼或告以食賑父怫然呼履坦曰義士不食嗟來廉
夫不飲盜泉吾輩覩爲士不能濟人饑忍分饑者一勺米乎昔管
同作餓鄉記願身入餓鄉吾與爾老是鄉可矣無何俱餓死論曰
夫當此之時稍一遷就未必無哀而食之者也然終不忍苟取以

自存其所取蓋有重於死者矣

並同州府志
及採訪冊

馬穢土字相如大荔人歲貢父嗣煜號二岑以濟南通判殉明流寇之難穢土年十三徒跣出潼關迎父柩擗踊氣絕見者泣下葬後廬墓茹素三年不見齒鄉里稱之曰父忠子孝古人所罕穢土以馬氏自文莊以來世富盛近雖中落而吾父爲少墟高弟家學安可墜也乃與弟稚土奮志讀書刻意躬行與黨湛王四服張珥王宏撰李因篤等相切劘者四十年四方有志正學者咸歸焉康熙中盤屋李顥倡反身改過之說與穢土論合穢土與耆儒李士璜白煥彩等敦聘顥至同州會講於廣成觀穢土長於顥顥不敢以師自居穢土髮婆娑卒就北面時人以爲難顥所著作穢土皆序而刻之顥寓書曰大道無窮吾子能竟聖學忌雜吾子能醇維持世風主張名教非吾子其誰與歸卒年八十祠鄉賢祠著有卷

石齋語錄白樓存草同邑馬逢年字仲足績學勵行老而彌篤年已七十見李顥北面事之維謹又馬楨字標若亦信正學忘年受業於顥

白煥彩字含章大荔人貢生家蓄書甚富因絕意進取肆力經學多有心得康熙丁未李顥東來過白氏携所未見書以西明年煥彩偕黨湛馬穢土迎顥至同州講學序所著學髓刻之又與李子燮等二十人立講會互相切磋砥廳丞郝斌攝州事式其廬顏曰尊德樂道道光中邑人梁甸山王文炯梓其雜作二卷曰僅存集里人王四服字思若積學善文與煥彩同社講學知府趙三麒顏其居曰彥方風範以拔貢終著有臥園集

李子燮字以理大荔人明戶部主事修吉孫中順治乙丑進士仕爲淮安推官性剛正不阿上官誣以贓下法司勘訊亢直不能屈

遂告歸復南游桂林值吳三桂叛其黨孫延齡囚巡撫馬鎮雄鎮雄知不免爲遺表託子燮攜其子世濟世永及孫國楨穴牆出晝伏夜行抵京告燮甫呈表即昏眩仆地聖祖命醫治之旣而逆孽吳世琮戕殺鎮雄及兩幼子世洪世泰死者四十三人世濟等以子燮保全得免當是時子燮義聲聞天下上聞之將大用以部胥索金弗應授內黃知縣旋告歸與張珥李士璜杜門講學師事李顥國史有傳

李子燾字以闇大荔人康熙初由舉人官廣東陽春知縣時粵地初平井邑荒落官署亦摧毀無遺子燾下車栖野廟中與吏民共甘苦經營創造兩立露宿越數月圯廢修舉凡民生休養生息之事興利除害之端皆汲汲焉謀之陽民戴之若父母會逆藩尙可喜駐陽春家奴倚勢虐良懦子燾擒笞之大吏懾其淫威令子燾

詣尙謝終不往卒以此罷歸

馬魯字希曾大荔人明大學士自勉之七世孫雲南按察副使樸之五世孫也馮翊文學自副使後漸銷歇至魯乃中興魯善屬文性至孝侍王父疾有小曾子之稱生平以復古學自任由舉人大挑任淳化靜寧州學官俸滿擢知縣授江西安遠縣安遠俗悍往往械鬥致命而別買兇手謂之頂兇魯蒞任後一革其弊民始知畏法旋以陽達古之案棄官歸蓋以質直見嫉同僚故蜚語中傷而魯不自以爲悔也嘗謂關學談理者多而游藝者少自天文地理星命壬遁勾股之術靡不研究而類著之其詩文造詣尤邃論者謂副使家學至魯而復大熾焉卒年八十九著述見經籍志

王庭華字小邨大荔人嘉慶己未進士授兵部主事遷員外郎郎中轉江南道監察御史稽察祿米倉管理街道事務歷江西建昌

府直隸河間府知府上謁西陵召見行宮奏對稱旨特調保定府知府遷大名道轉通永道擢長蘆鹽運使旋授直隸按察使遷山西布政使卒於任庭華性孝友以父繼謨早沒不逮祿養事母怡色柔聲常得母歡敷歷中外門無私謁賑河間水災捕大名蝗皆躬歷其地不殫勞瘁民賴以全分巡大名時山東臨清界匪馬進忠斂財惑衆奉旨查拏懲首惡一人而事定其官按察使值秋審悉心鞠問務得實情常秉燭兀坐檢案牘通宵不倦官布政使用人理財行政既詳既審稱能盡職官方以肅綏德馬樹堂與庭華同年官刑部主事暴疾卒無以爲歛庭華助之費復告同人得二千餘金又念樹堂子振衢方彌月持多金歸葬本族或爭財則孤兒禍且不測乃以數百金付樹堂族弟歸葬留孤兒自撫凡疾痛疴癢飲食燥濕紉襦浣濯皆妻楊氏躬親之兒有疾即大感延醫

診視或禱神以冀速痊情意誠摯雖所生不啻也如是者十餘年及長爲之娶妻並教之讀入宛平學舉於鄉以中書爲麻哈州知州人以是稱庭華爲東漢獨行傳人也子捷三廣東知縣寵三濱州知州俊三兵馬司副指揮

劉九思字儼若大荔人由乾隆己卯舉人大挑任長武訓導咸寧教諭主講滿城繙譯書院擢知縣道光四年知河南林縣林在太行山中俗淳而民質九思惻惻無華民以寧一修文廟創書院案無留牘輿頌翕然六年秋河北各縣蝗獨不入林縣境林毗連武安武安蝗最多大府檄九思協捕甫至境大雨滂沛蝗盡沒人咸謂天章賢令俾恩及於鄰封焉是年大熟嘉禾同穎明年麥兩歧同僚以聞臺省傳檄嘉獎久之引疾歸

馬振玉字潤堂大荔人嘉慶二年軍需報効授知縣署山東夏津

縣知縣補蓬萊縣以獲巨盜擢刺平度州時大旱步禱於城北十二里之雲台觀城東十五里之聖水池雨果降州人神之初鄰境數百里皆蝗平度亦蝻生遍野振玉設法捕之至是雨降而蝻死轉歉爲豐州東有金華山水南下折而東入河爲渠溉田歲久淤水暴漲往往害田有奸民請順水勢導不必轉東者振玉單騎相度得奸民嫁禍意因濬舊培新俾水不害而奸民之技窮平度俗健訟刁民蠹胥因緣爲奸一案率牽數十人狡譎蔓訟官莫能判積案蓬蓬常數尺振玉平明坐堂皇夜分始罷清積案數百摘奸發伏三月後乃無訟乃課農桑修書院興養立教日不暇給蒞平度三年治行爲山東最州境獻並蒨荷咸以爲德政所感云丁憂起復歷山西吉州絳州渾源州遼州知州平陽府同知遷貴州思州府知府抵任未久卒於官振玉明察慈惠所至有聲每去任士

庶數千人攀留不得則爲詩歌頌之

淡如水字蓮洲大荔人由乾隆某科舉人知蒙城蕪湖等縣擢亳州牧於廳事榜天理良心四字勤於訊斷曰吾悲吾民財縻時廢也凡有興作如濬溝渠治橋梁創書院立善局皆慷慨自任遇旱荒虔祈禱輒獲甘霖又嘗却富僧數千金俾盡贍窮黎故蕪人有淡父再來天有眼之謠子三士灝字深東由乾隆庚寅舉人大挑知縣官四川所在稱治累遷至川東道持官持身內外斬斬資陽書院刻石像以永去思事繼母教諸弟遇孀居女弟皆曲盡恩義所著書見藝文志士濤字汪波由乾隆壬子鄉試第一與仲兄士淳嘉慶乙未同榜成進士選庶吉士改靈臺令調臯蘭遷秦州直隸州歷權西甯平涼知府所至有聲在秦慎刑獄修學校築堤防開煤礦賑災民給牛種捐俸千金以甦民困民甚德之秦濱隴渭

二水民田被淹者恒蔓訟經年莫能定士濤躬親勘驗相其形勢秉公判之訟息而兩造俱伏然卒以暑月履畝感疾卒於官祀名宦祠士濤才識明敏尤擅風雅著有仰山詩鈔士灝子廷蔡河間同知廷蔡子春輝由舉人官知縣遷保定同知皆能其官當時題贈有三世並登循吏傳原來清白是家風之句

李法號南槐大荔人篤志劬學工詩古文辭性高簡嘗從武功孫景烈於關中書院爲六大弟子之一六大弟子者武功張洲韓城王杰吳堡賈天祿雒南薛馥華陰李汝榛及法也總督尹繼善巡撫陳宏謀皆器重之景烈謂法學富才雄文學龍門詩似太白不懈而及於古又謂法文不必其可售必其可傳會督學楊嗣曾過武功訪關中知名士景烈以法對時法以歲貢官狄道州訓導及案臨而法已卒因爲歸其柩復序刊其遺稿有云平生苦說古戰